

آمریکا و اسرائیلین مدیریتتی اینن عراقدا شیعه قیرغینی گئدیر

لبنانین حزب الله-ی خبر وئردی: آمریکا و اسرائیلین مدیریتتی اینن عراقدا شیعه قیرغینی گئدیر.

عراقدا شیعه‌لرین علی‌هین اولان سلسله پاتلامالار مختلف اؤلکه‌لرین عکس‌العملی و محکومیتتی اینن اوزلشدی. حزب الله-ین وئردیغی خبره گؤره عراقداکی قیرغینلار آمریکا و اسرائیلین مدیریتتی اینن باش وئیریر. خبر اژانس‌لارکین خبرلرینه گؤره دوشنبه سحر عراقدا 17 پاتلاما اوز وئردی و 67 نفر شهید اولوب و 230 نفر جن یارالاندی. بو پاتلایشلار بغداد، بصره، کوت، و کاظمین شهرلرینین شیعه منطقه‌لرینده باش وئریب و آخر خبرلره گؤره تروریستلر 300 نفردن آرتیغی قانا بلشدیریلر. ملل سازمانینین دبیرکلی «بان‌کی‌مون» بو پاتلایشلاری محکوم ائله‌ییب، عراقین پرتگاهدا اولدوغونو بیلدیریب. او، هابئله عراقین سیاسی گروهلارینی عراق بحرانی‌نین تکجه حل بولو اولان سیاسی مذاکره‌لره چاغیریب. ملل سازمانیندان علاوه، دولتلرین بیر سیراسی‌دا عراقین قانلی حمله‌لرین محکوم ائله‌دیلر. بو اؤلکه‌لرین ایچینده آمریکا و فرانسه‌ده گؤزه دئیر. لبنانین حزب الله-ی بیر بیانییه یایماغینان آمریکا و اسرائیلین گیزلی اللری‌نین عراق شیعه‌لرینی اؤلدورماقدا اولدوغونو بیلدیردی. بو بیانییه‌ده بئله گلیب: دنیا مسلمانلاری خصوصاً عراق مسلمانلاری اؤز چالیشمالارینی تکفیری تروریزم و آمریکایی و صهیونیستی توطئه‌لرین قاباغیندا بیرلشدیرسینلر چونکی آمریکا و اسرائیل اسلام دنیاسینا سلطه تاپاق قصدینده‌دیلر. حزب الله، مبارک اوروجلوق آیی‌نین حرمتی‌نین سینماسینا اشاره ائدیب آرتیردی: بو حمله‌لرده تروریستلر مسکونی منطقه‌لری نشانلامیشدیلار و آرواد اوشاغی قانا بلشدیردیلر.